

«БЕКТЕМІН»
«Балаларды ерте дамыту
институты» РММ директоры
М.Е. Адамова
2023 ж.



Қазақстан халықтарының тілдері күніне арналған «Қазақшаң қалай, балақай?» байқауын өткізу туралы ЕРЕЖЕ

1. Жалпы ережелер

1.1. Осы Ереже меншік нысаны мен ведомстволық бағыныстылығына қарамастан мектепке дейінгі ұйымдар мен мектепалды сыныптар арасында Қазақстан халықтарының тілдері күніне арналған «Қазақшаң қалай, балақай?» байқауын (бұдан әрі – Байқау) ұйымдастыру тәртібі мен өткізу шарттарын белгілейді.

1.2. Байқау ҚР ОАМ «Балаларды ерте дамыту институты» РММ (бұдан әрі – Институт) 2023 жылға арналған жоспарына сәйкес өткізіледі.

1.3. **Мақсаты:** оқыту басқа тілдерде жүргізілетін балаларға мемлекеттік тілді меңгерту арқылы олардың коммуникативтік, танымдық, интеллектуалды, шығармашылық дағдыларын, зерттеу іс-әрекетін дамыту.

1.4. Міндеттері:

- Мектепке дейінгі тәрбие мен оқытудың үлгілік бағдарлама мазмұнын іске асыру;

- түрлі балалар әрекетінде тәрбиеленушілердің ауызекі байланыстырып сөйлеуін дамыту;

- күні бойы режимдік сәттерде Үлгілік оқу бағдарламасында айқындалған сөздік минимумды үйретудің озат тәжірибесін ұсыну;

- балаларға мемлекеттік тілді игерту бойынша мектепке дейінгі ұйымның, ата-аналардың бірлескен әрекетін ұйымдастыру;

- мемлекеттік тілді игерту бойынша озат тәжірибені жинақтау және тарату.

2. Байқауды ұйымдастыру тәртібі және өткізу шарттары

2.1. Байқауды ұйымдастырушылар – «Балаларды ерте дамыту институты» РММ, облыстардың, республикалық маңызы бар қалалар мен астананың білім басқармалары, аудандық бөлімдер.

2.2. Байқауға балалардың жасына сәйкес мынадай шаралардан үзінділер ұсыну қажет:

- күні бойы режимдік сәттерде Үлгілік оқу бағдарламасында айқындалған сөздік минимумды үйрету бойынша қазақ тілі маманы мен мектепке дейінгі ұйым педагогтері мен қызметкерлерінің, ата-аналардың бірлескен әрекеті;

- күні бойы педагогтің ойын түріндегі ұйымдастырған түрлі балалар әрекеті;

- «Қазақ тілі күні», «Тілдер мерекесі» және басқалар.

2.3. Байқаудың ІІ және ІІІ кезеңдеріне әр номинациядан 1-ден артық емес жүлдегер жіберіледі.

2.4. Байқау үш кезеңде өткізіледі:

І кезең – аудандық, қалалық;

ІІ кезең – облыстық;

ІІІ кезең – республикалық (республикалық маңызы бар қалалар мен астананың).

2.5. Өңірлерде Байқау өткізу туралы хабарландыруды аудандардың, қалалардың білім бөлімдері, облыстардың және республикалық маңызы бар қалалардың және астананың білім басқармалары, бұқаралық ақпарат құралдарында, Интернет-ресурстарда Байқау басталғанға дейін күнтізбелік 30 (отыз) күн бұрын жариялайды.

2.6. Педагогтердің құжаттарын (материалдарын) бағалау үшін Байқаудың барлық кезеңдерінде аудан, қала, облыс, республикалық маңызы бар қалалар және астана (құрамы кемінде 11 адам) деңгейінде басшылардың бұйрығымен Өңірлік комиссия құрылады.

2.7. Өңірлік комиссия аудандық, қалалық бөлімнің, облыстың, республикалық маңызы бар қалалардың және астананың білім басқармасының қызметкерлері, мектепке дейінгі ұйымдардың басшылары, білікті педагогтер, әдіскерлер, ата-аналар қоғамдастығының өкілдері, бұқаралық ақпарат құралдары және т. б. қатарынан құрылады.

2.8. Өңірлік комиссия Байқауға қатысушылардың ұсынылған материалдарын зерделейді және бағалайды (төменде көрсетілген үш номинация бойынша).

2.9. Байқау комиссиясының мүшелері:

- әр номинацияда орындардың қайталануына;
- лайықты үміткерлер болмаған жағдайда, жүлделі орындар бермеуге;
- техникалық ақауларға байланысты (қатысушы тарапынан) ашылмаған бейнематериалдарды қарамауға;
- ұзақтығы осы Ережеде белгіленген уақыттан асатын бейнематериалдарды қарамауға құқылы.

2.10. Облыстардың, республикалық маңызы бар қалалардың және астананың білім басқармалары республикалық кезеңнің байқау комиссиясының қарауына мынадай материалдарды жібереді:

1) облыстық және республикалық маңызы бар қалалардың және астананың білім басқармаларының **ілеспе хаты**;

2) байқауға қатысу үшін өтінім (*осы Ереженің І қосымшасы*);

3) екінші кезеңнің қорытындысы бойынша облыстық, республикалық маңызы бар қалалардың және астананың білім басқармаларының байқау комиссиясының хаттамасы (сканерленген көшірмесі).

4) ресімдеуге қойылатын талаптарға және бағалау өлшемшарттарына

сәйкес келетін, ұзақтығы 5 минуттан аспайтын бейнематериал.

2.11. Материалдар «Қазақшаң қалай, балақай?» байқауының атауымен 2023 жылғы «15» қыркүйектен кешіктірілмей i-rrd2021@mail.ru электрондық поштаға жіберіледі, көрсетілген мерзімнен кеш түскен материалдар қаралмайды, сондай-ақ қайтарылмайды.

3. «Қазақшаң қалай, балақай?» байқауының қатысушыларына қойылатын талаптар

3.1. Бейнероликтер ұзақтығы 5 минуттан аспайтын қызықты кезеңдері мен үздік сәттерін көрсетуі тиіс.

3.2. Материалды ұсына отырып, қатысушы:

- жеке деректерін пайдалануға және материалдарды сайтта, баспа басылымдарында, Интернет және басқа бұқаралық ақпарат көздерінде орналастыруға;

- материалдарды тегін пайдалануға, шығармашылық жобаларға қосуға.

3.3. Өтінім болашақта Байқауға қатысушылардың осы Ереженің шарттарын толық қабылдайтындығының, Байқау өткізу шеңберінде дербес деректерді өңдеуге келісім беретіндігінің дәлелі болып табылады.

4. Бағалау критерийлері

4.1. Орындау деңгейі 3 балдық жүйе бойынша келесі критерийлер бойынша бағаланады:

- таңдалған материалдың Байқау тақырыбына сәйкестігі;
- таңдалған материалдың қатысушының жасына сәйкестігі;
- бейне сапасы.

5. Бейнематериалға қойылатын талаптар

5.1. Байқаудың бейнежазбалары мынадай талаптарға сай болуға тиіс:

- түсірілім кәсіби, сапалы, бейнекамераны өшірмей және тоқтатпай (басынан аяғына дейін) орындалуы тиіс, бейнематериалдың ұзақтығы 5 минутқа дейін;
- бейнежазба MPEG-4 форматында қабылданады;
- әрбір файлдың көлемі 300 Мб артық емес;
- бейне файлдарда қатысушылар туралы ақпарат болуы керек (аты-жөні, жасы, мектепке дейінгі ұйымның атауы).

6. Қорытынды шығару, жеңімпаздарды марапаттау

6.1. Байқау қорытындысы бойынша қатысушыларға мынадай номинациялар беріледі:

- «Үздік ұйымдастырылған балалар әрекеті»;
- «Үздік ұйымдастырылған бірлескен әрекет»;
- «Жүзден жүйрік, мыңнан тұлпар».

6.2. Байқау жеңімпаздары «Балаларды ерте дамыту институты» РММ дипломдарымен марапатталады.

6.3. Байқаудың қорытындылары мен байқауға ұсынылған жеңімпаздардың материалдары Институттың www.irrd.kz сайтында және әлеуметтік желілерінің беттерінде жарияланатын болады.

Анықтама телефоны: 8 (7172) 28-09-50

**Қазақстан халқының Тілдері күні қарсаңында
«Қазақшаң қалай, балақай?» атты байқауға қатысу үшін**

_____ облысынан (қала)

Өтінім

МДҰ-ның толық атауы (МДҰ Жарғысына сәйкес)	Жауапты педагогтің аты-жөні	Балалардың жасы	Номинация түрлері			Номинациялар бойынша бейнематериалдар орналастырылған YouTube платформасындағы сілтеме
			ұйымдастырылған балалар қызметі	МДҰ және ата-аналармен ұйымдастырылған бірлескен қызмет	Тілдер күніне арналған мереке	